

Historia ta ripiti?

Gobierno Hulandes poniendo presion pa AVP y MEP sinta hunto

ORANJESTAD (AAN) — Hopi hende a keda babuca yera ora nan a haya di tende cu via e programa di noticia di Canal 90 e informacion a worde plama cu gobierno hulandes lo ta poniendo presion pa e lidernan di partido AVP y MEP sinta na mesa pa dialoga pa bay goberna conhuntamente.

Gobernacion na Aruba a para degenera den actonan di corrupcion abierto cu ta parce di no conoce limite y no tin un maneho structural y peor ainda e prome ministro no tin control riba su mesun gobernacion.

Cada ministro den e gabinete Oduber ta actua riba su mes y ta haci deshaci manera nan ta haya ta bon y prome ministro Nel Oduber no por haci mucho cos pasobra su mesun coleganan ta menaza cu bahamento di gobierno.

E siman aki prome ministro Nel Oduber a core bay na su radio ciegameamente comprometi cu su partido, pa lansa intimidacionnan den direccion di ministro Briessen relaciona cu e escandalo di Aeropuerto unda ministro Briessen contra deseo di Nel y lider di fraccion di MEP, Adi Thijsen, a manda henter Hunta di Directiva di Aeropuerto cas.

Diripiente Nel a core gaña rabia y core gaña actua a la macho y e a bisa cu den su gobierno ta e ta manda y esun

cu no ta di acuerdo cu su maneho, por bien paketa su maletanan.

Briessen a baha cabes parcialmente y a basha un bari di awa den e biña gubernamental cu awor ta mas bien un vinager basta marga.

Manera den pasado na añanan 90 Nel Oduber no por a wanta su gabinete di diferente partido y na un dado momento a yama partidonan di su mesun coalicion pa sapato bieu, awor e ta den e mesun situacion, pero cu e diferencia cu e ta mal pega cu varios postema politico di su mesun partido unda cada ministro ta un gobierno riba su mes.

Den pasado gobierno hulandes a manda yama Nel Oduber y Henny Eman pa bay reuni cu prome ministro hulandes y kende a bisa nan pa bay Aruba back y wak con nan lo por forma u sorto di gobierno nacional di e dos

partidonan mas grandi of cu gobierno ta bay cas y ta bin eleccion nobo.

E tempo ey no a keda Nel Oduber nada otro cu manda su mesun gobierno cas pasobra e no por a wanta e situacion mas y awor e ta den un situacion hopi mas peor unda cu gobierno hulandes ya a caba di pone diferente KB riba cabes di Nel su gobierno, pero cu e diferencia cu e biaha aki e KB a haya un nomber camufla como 'Protocol'.

Gobierno di MEP ya mester a entrega Warda Costa na Hulanda, Cuerpo Policial, y tambe asuntonan cu ta regarda permiso pa extranheronan aunke cu Hulanda a laga Booshi Wever kere cu e ta bay atende cu asuntonan di permiso.

Tin un otro Protocol na caminda unda cu Hulanda lo bay kita Finanzas Publico tambe di gobierno di Nel pa para e malgastamento di

placa di pueblo y pa sana e situacion financiero cu ta mandando Aruba den direccion di un desastre nacional unda cu e Florin y estabilidad di e pais ta na peliger.

Aparentemente gobierno hulandes lo acerca AVP na un forma informal y no lo dura mucho cu informal lo bira formal unda cu Nel Oduber atrobe lo mester subi avion y bay reporta na gobierno hulandes, aunke cu

algun tempo pasa el a grita cu voz duro cu ningun mandatario di Hulanda por bin dicta den su gobierno; ya nan a kita ministerio di husticia di dje, Warda Costa y pronto Finanzas tambe y no lo dura mucho cu gobierno di MEP ta core e riesgo grandi di worde manda cas, sea door di gobierno hulandes of door di un demostracion masha grandi mes cu tin planea pa tuma lugar den termino di dos siman.

Jackpot di Lotto ta 750.000 Florin

ORANJESTAD (AAN): E atencion ta grandi pa e sorteo di Lotto di Diasabra awor.

Ta conoci, cu e prome

premio a keda aden, pues e jackpot pa sorteo di Diasabra 14 di October ta bira 750.000 Florin.

AMOR PROHIBIDO!!



BEST DEAL

Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455

2 Pcs. Baby Box di Palo

Antes Afl. 550,-

Awor Afl. 275,-

SPECIAL

You are r
my Sunlig
awe pa
DESLAI
PAESCH
aña. E ta
sunchi di
papi Des
Wendess.
nan, su pr
bisabuelo
Dina W
Raymond
famia Pa

Awe e
mucha d
PEREZ
añitos, h
Jenny, p
opa's, t
bisawela
pabien s
yena cu
y bendic
Misheny
Shirley
Joey y s
caminda
Gonzale
Hoek y
Corrow.
bendicio
di bida y

Ayera a
ALEXAN
di parti
tambe di
mama, ru
y staf
Internati
principe